

ՔԱՂՎԱԾՔ

Հայաստանի Հանրապետության Արմավիրի մարզի խորոնք գյուղական համայնքի 2012 թվականի հուլիսի 10-ին կայացած համայնքի ժողովի «խորոնք գյուղական համայնքի ղեկավարի 2012 թվականի I-ին կիսամյակում կատարած աշխատանքների հաշվետվության մասին» արձանագրությունից.

Համայնքի ժողովին մասնակցում էին 79 բնակիչներ և Արմավիրի մարզպետարանի աշխատակազմի ՏԻՄ և ՀԳՄՏԾ գործունեության համակարգման վարչության ՏԻՄ-ի հետ տարվող աշխատակազմի բաժնի պետ Գ.Հովհաննիսյանը:

Արմավիրի մարզի խորոնքի գյուղապետարանը, ղեկավարվելով Հայաստանի Հանրապետության Սահմանադրությամբ և ելնելով Հայաստանի Հանրապետության Կառավարության և Արմավիրի մարզպետարանի որոշումների պահանջներից, կատարել է ներքոհիշյալ աշխատանքները.

- **Գյուղատնտեսության բնագավառ.**

Գյուղապետարանը աջակցել է գյուղացիական տնտեսություններին գյուղատնտեսական աշխատանքներում: Խրախուսել է խաղողի, պտղի, բանջարաբուստանային կուլտուրաների մշակության զարգացմանը: 2011թվականին բանջարաբուստանային կուլտուրաների վաճառքի էժան գների պատճառով ընթացիկ տարում շուրջ 32 հա-ով ավելացել է հացահատիկի, 11 հա կարտոֆիլի ցանքատարածքները բանջարաբուստանային կուլտուրաների ցանքատարածքների հաշվին:

Գարնան գյուղտնտեսական աշխատանքները լավ կազմակերպելու նպատակով բարելավվել և հարթեցվել են դաշտամիջյան ճանապարհները:

Հողի սեփականատերերին հատկացվել է 50 տոննա պարարտանյութ, 20 տոննա դիզելային վառելանյութ:

ՋՕԸ-ի ուժերով վերանորոգվել է Վ.Վարդանյան, Ա.Մանուկյան, Արարատյան, Պ.Սևակ փողոցների ոռոգման համակարգի խողովակները: Մեծ ուշադրություն է դարձվել ոռոգման համակարգի ջրատարների

մաքրման աշխատանքներին համագործակցելով ԶՕԸ-ի աշխատակիցների հետ:

Մինչև օրս համայնքի բնակիչների կողմից արտադրվել և հանրապետության շուկաներ է արտահանվել շուրջ 3000 տոննա բանջարեղեն, 10 տոննա ձմերուկ, 10 տոննա կարտոֆիլ, որն ընթացքի մեջ է:

Ընթանում է հացահատիկի բերքահավաքը: Հացահատիկի միջին բերքատվությունը 1հա-ի հաշվարկով կազմում է 2.5 տոննա:

- **Հողաշինության և հողօգտագործման բնագավառ.**

Ի-ին կիսամյակի ընթացքում համայնքային սեփականություն հանդիսացող մնացած շուրջ 3 հա հողեր՝ վարձակալության են տրվել համայնքում հողազուրկ ընտանիքներին: Կազմվել է ընթացիկ տարվա հողային հաշվեկշիռը և հանձնվել մարզպետարան:

- **Քաղաքաշինության բնագավառ.**

Աջակցություն և վերահսկողություն է իրականացվել գյուղում բնակարանաշինությանը

- **Տրանսպորտի և ճանապարհաշինության բնագավառ.**

Գործում է միջհամայնքային տրանսպորտը՝ գրաֆիկով:

Կատարվել են 500000 դրամի՝ միջհամայնքային մայրուղու ասֆալտապատման, 500000 դրամի՝ համայնքի փողոցների խճապատման աշխատանքներ:

Մեծ ուշադրություն է դարձվում գերեզմանատանը հողհատկացման աշխատանքներին, այն կատարվում է՝ համաձայն Հայաստանի Հանրապետության Արմավիրի մարզպետարանի հանձնարարականի:

- **Աղբահանության բնագավառ.**

Աղբահանության աշխատանքները գյուղում կատարվում են մշտապես և անխափան, այդ աշխատանքները կատարելու համար հատկացվել է 1000000 դրամ գումար: Աղբը տեղափոխվում է շաբաթը 1 օր՝ այդ նպատակի համար նախատեսված հատուկ հողափոսի մեջ:

• **Մշակույթ և սպորտի բնագավառ.**

Կազմակերպվել է մշակութային ու սպորտային միջոցառումներ՝ Մայրության և գեղեցկության, Հաղթանակի, Սարդարապատի օրվա կապակցությամբ: Ապրիլի 7-ի՝ «Մայրության և գեղեցկության» տոնի կապակցությամբ 170000 դրամի արժողության նվերներ են գնվել և հանձնվել գյուղապետարանի, «Կրթություն և մշակույթ» տնօրնության, Խորոնքի մանկապարտեզի աշխատակցուհիներին:

Մայիսի 9-ի՝ «Հաղթանակի օրվա» տոնի կապակցությամբ գումարներ են հատկացվել պատերազմի վետերաններին, զոհվածների այրիներին, նրանց պատվին կազմակերպվել է ճաշկերույթ, որին մասնակցել են նաև համայնքի բնակիչներ: Այդ առիթով հատկացվել է 150000 դրամ գումար: Սարդարապատի ճակատամարտի հաղթանակի օրվա կապակցությամբ կազմակերպված միջոցառման մասնակցության համար տրամադրվել է 110000 դրամ գումար:

Գործում է ընթշամարտի խմբակը: Գյուղապետարանը հատուկ ուշադրություն է դարձնում միջնակարգ դպրոցի և մանկապարտեզի գործունեությանը՝ միաժամանակ ցուցաբերելով իր աջակցությունը բոլոր հարցերում:

• **Սոցիալական բնագավառ.**

Ընթացիկ ժամանակաշրջանում գյուղապետարանը զգալի աշխատանքներ է կատարել այդ ոլորտում: Գյուղապետարանի մշտական հոգածության և ուշադրության կենտրոնում են եղել Հայրենական մեծ պատերազմի վետերանները, Արցախյան հերոսամարտի զինծառայողները, նպաստառուները, այրիները, թոշակառուները: Անաչառ և անկողմնակալ վերաբերմունք է ցուցաբերվել նպաստառու ընտանիքների հանդեպ, ապահովվել է սոցիալական արդարության սկզբունքը: Հաճախակի ֆինանսական օգնություն է ցուցաբերվել հիվանդ և սոցիալապես անապահով 19 ընտանիքների: Համայնքի ավագանու որոշմամբ 30000 դրամ օգնություն է տրամադրվել նորածին երեխաներ ունեցող 13 ընտանիքներից յուրաքանչյուրին:

• **Ֆինանսներ**

Շատ վատ վիճակում է գտնվում հողի հարկերի, գույքահարկերի, տեղական տուրքերի ու վարձակալական արտադրական, հասարակական տարածքների վարձավճարների հավաքագրման ուղղությամբ տարվող աշխատանքները:

2-րդ կիսամյակում հետևողական աշխատանք է տարվելու հարկերի հավաքագրումների ուղղությամբ, որպեսզի կատարվեն բյուջեով նախատեսված բոլոր ուղղություններով հավաքագրումների պլանները:

2012թ.

N	Հարկի տեսակը	2011թ. պլան հազ.դրամ	1-ին կիսամյակ	2012թ. պլան հազ.դրամ	1-ին կիսամյակ	%
1.	հողի հարկ	8565.3	3194.6	8565.3	729.3	8.5
2.	գույքահարկ	3298.5	1174.8	3138.5	489.7	15.6
3.	շենքի վարձակալ. վարձ	150.0	-----	150.0	-----	-----
4.	վարձակալ. հողի վարձ	600.0	415.0	600.0	64.9	10.8
5.	տեղական տուրքեր	280.0	76.7	280.0	-----	-----

2012թ.

N	Ծախսեր	2011թ. պլան հազ.դրամ	1-ին կիսամյակ	2012թ. պլան հազ.դրամ	1-ին կիսամյակ	%
1.	ճանապարհների շինարարություն	2500.0	200.0	2000.0	1000.0	50.0
2.	աղբահանում	945.0	472.6	1000.0	499.8	50.0
3.	ջրամատակարարում	900.0	200.0	-----	-----	-----
4.	սոց. օգնություն	2400.0	570.0	2400.0	1390.0	57.9
5.	երիտասարդական միջոցառումներ	800.0	120.0	550.0	320.0	58.2


• Առաջնային պրոբլեմներ

Խմելու ջրի մատակարարումը, միջնակարգ դպրոցի սպորտդահլիճի կառուցումը, մանկապարտեզի, երաժշտական դպրոցի վերանորոգումը և մշակույթի տան տանիքի վերանորոգումը:

Ժողովի նախագահ՝

/ Ս.Նահապետյան/

Քարտուղար՝



/ Ս. Կարապետյան/